



**სსიპ ბათუმის შოთა რუსთაველის
სახელმწიფო უნივერსიტეტი**

12 აგვისტო, 2026 წელი

ბრძანება №01-02/151

**ბსუ-ს მიზნობრივი კვლევითი საგრანტო პროექტების შესარჩევი კონკურსის
გამოცხადების შესახებ**

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს მიზნობრივი კვლევითი საგრანტო პროექტების შერჩევისა და განხორციელების დებულების დამტკიცების შესახებ“ ბსუ-ს აკადემიური საბჭოს 2026 წლის 23 ივლისის №06-01/134 დადგენილების, „ბსუ-ს მიზნობრივი კვლევითი გრანტის საპროექტო განაცხადის, აღწერილობის და პერსონალის თანხმობის განაცხადის ფორმების დამტკიცების შესახებ“ ბსუ-ს რექტორის 2026 წლის 6 აგვისტოს №06-01/149 ბრძანების, „ბსუ-ს 2026 წლის ბიუჯეტის დამტკიცების თაობაზე“ ბსუ-ს წარმომადგენლობითი საბჭოს 2025 წლის 05 დეკემბრის №07-01/39 გადაწყვეტილების, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის 2026 წლის ბიუჯეტში ცვლილების შეტანის შესახებ“ ბსუ-ს ადმინისტრაციის ხელმძღვანელის 2026 წლის 17 ივლისის №01-10/76 ბრძანების, ბსუ-ს რექტორის მოადგილის 2026 წლის 12 აგვისტოს სამსახურებრივი ბარათის (№1039079, 12/08/2026 წ.) და ბსუ-ს ადმინისტრაციის ხელმძღვანელის 2026 წლის 12 აგვისტოს წარდგინების (სამსახურებრივი ბარათი №1041060, 12/08/2026 წ.) საფუძველზე,

ვ ბ რ ძ ა ნ ე ბ:

1. გამოცხადდეს ბსუ-ს მიზნობრივი კვლევითი საგრანტო პროექტების (ხანგრძლივობა - არანაკლებ 6 თვე და არაუმეტეს 18 თვე) შესარჩევი კონკურსი შემდეგ მიმართულებებში:
 - 1.1. ზუსტი და საბუნებისმეტყველო მეცნიერებების დარგობრივი მიმართულებით;
 - 1.2. ინჟინერია და ტექნოლოგიების დარგობრივი მიმართულებით;
 - 1.3. სამედიცინო და ჯანმრთელობის მეცნიერებების დარგობრივი მიმართულებით;
 - 1.4. აგრარული მეცნიერებების დარგობრივი მიმართულებით;
 - 1.5. სოციალური მეცნიერებების დარგობრივი მიმართულებით;
 - 1.6. ჰუმანიტარული მეცნიერებების დარგობრივი მიმართულებით;
 - 1.7. ინტერდისციპლინური მიმართულებით;
 - 1.8. „ახალგაზრდა მეცნიერის“ მიერ განსახორციელებელი დარგობრივი ან/და ინტერდისციპლინური მიმართულებით მიზნობრივი კვლევითი პროექტი.
2. წინამდებარე ბრძანებით გამოცხადებული კონკურსის შედეგად გამარჯვებული ბსუ-ს მიზნობრივი კვლევითი საგრანტო პროექტების საერთო ბიუჯეტი განისაზღვროს 300 000 ლარის ოდენობით, მათ შორის:
 - ა) თითოეული მიმართულებით (1.1.-1.7.) ბსუ-ს მიზნობრივი კვლევითი პროექტის განხორციელების ბიუჯეტი (საერთო ღირებულება) არ უნდა აღემატებოდეს 50 000 ლარს;

ბ) ახალგაზრდა მეცნიერის (პირი, რომელსაც დოქტორის აკადემიური ხარისხი მიენიჭა კონკურსის გამოცხადების თარიღამდე ბოლო 7 წლის პერიოდში) მიერ წარმოდგენილი პროექტის ბიუჯეტი არ უნდა აღემატებოდეს 20 000 ლარს;

გ) თითოეული მიმართულებით (1.1.-1.8.) ბსუ-ს მიზნობრივი კვლევითი საგრანტო პროექტის შესრულების დაწყების თარიღი - არაუადრეს 2026 წლის 01 ოქტომბრისა.

3. კონკურსის ვადები განისაზღვროს შემდეგნაირად:

ა) საკონკურსო დოკუმენტაციის წარმოდგენის ვადა - 2026 წლის 13 აგვისტოდან 2026 წლის 20 აგვისტოს 17:00 საათამდე;

ბ) საკონკურსო კომისიის მიერ საკონკურსო დოკუმენტაციის განხილვისა და შეფასების ვადა - 2026 წლის 21 აგვისტოდან 2026 წლის 24 აგვისტოს 15:00 საათამდე (შაბათ-კვირის ჩათვლით);

გ) საკონკურსო კომისიის მიერ კონკურსის შედეგების ბსუ-ს ვებგვერდზე გამოქვეყნება - 2026 წლის 24 აგვისტოს არაუგვიანეს 17:00 საათისა;

დ) საკონკურსო შედეგის გასაჩივრების ვადა - 2026 წლის 24 აგვისტოდან 26 აგვისტოს 17:00 საათამდე (ბსუ-ს საქმისწარმოების სამსახურის (კანცელარია) საშუალებით);

ე) სააპელაციო კომისიის მიერ კონკურსანტთა საჩივრების/აპელაციის (არსებობის შემთხვევაში) განხილვა და გადაწყვეტილების მიღება - 2026 წლის 26, 27 და 29 აგვისტოს, სააპელაციო კომისიის საოქმოდ გადაწყვეტილების (შედეგის) წარდგენა ბსუ-ს რექტორის, კონკურსანტის (საჩივრის ავტორის) და საკონკურსო კომისიისათვის - გადაწყვეტილების მიღებიდან არაუგვიანეს მომდევნო სამუშაო დღისა (მაგრამ არაუგვიანეს 2026 წლის 31 აგვისტოს 11:00 საათამდე);

ვ) კონკურსის საბოლოო შედეგების დასამტკიცებლად ბსუ-ს აკადემიური საბჭოსათვის წარდგენის ვადა - 2026 წლის 31 აგვისტოს არაუგვიანეს 17:00 საათამდე;

4. კონკურსში მონაწილეობის მსურველი ვალდებულია წარმოადგინოს ელექტრონულად ელფოსტაზე: bsugrant@bsu.edu.ge და შემდგომ მატერიალური სახით ბსუ-ს საქმისწარმოების სამსახურის (კანცელარია) მეშვეობით, შემდეგი საკონკურსო დოკუმენტაცია:

4.1. ბსუ-ს მიზნობრივი კვლევითი გრანტის საპროექტო განაცხადი, შევსებული ბსუ-ს რექტორის 2026 წლის 06 აგვისტოს №01-02/149 ბრძანებით დამტკიცებული ფორმის (დანართი №1) შესაბამისად (აღნიშნული ფორმის გრაფები მოიცავს მისათითებელ ინფორმაციას განმცხადებლის (შემდეგში - პროექტის მენეჯერი); პროექტის დასახელების; პროექტის ტიპის (დარგობრივი/ინტერდისციპლინური/ახალგაზრდა მეცნიერის); სამეცნიერო მიმართულების; პროექტის ხანგრძლივობის; პროექტის ბიუჯეტის; პროექტში ჩასართავი ძირითადი (მკვლევრები) და დამხმარე პერსონალის (მათ შორის სტუდენტების) ბსუ-ს სხვა მიზნობრივ კვლევით პროექტში ჩართულობის შესახებ, ასევე პერსონალური მონაცემების დამუშავებაზე განმცხადებლის (პროექტის მენეჯერის) წერილობით განაცხადს);

4.2. ბსუ-ს მიზნობრივი კვლევითი საგრანტო პროექტის აღწერილობა (გეგმა-გრაფიკით და ბიუჯეტით), შევსებული ბსუ-ს რექტორის 2026 წლის 06 აგვისტოს №01-02/149 ბრძანებით დამტკიცებული ფორმის (დანართი №2) შესაბამისად (მათ შორის გრაფა „ბსუ-ს მიზნობრივი კვლევითი საგრანტო პროექტის ბიუჯეტის ბსუ-ს ადმინისტრაციის ხელმძღვანელთან შეთანხმების შესახებ ინფორმაცია“ ხელმოწერილი უნდა იყოს ბსუ-ს ადმინისტრაციის ხელმძღვანელის მიერ (პროექტის წარმდგენის (მენეჯერის) მიერ შედგენილი საპროექტო განაცხადის ბიუჯეტის ნაწილზე თანხმობის შემთხვევაში);

4.3. ბსუ-ს მიზნობრივ კვლევით საგრანტო პროექტში ჩართულობაზე (მონაწილეობაზე) თანხმობის განაცხადი (განაცხადები), შევსებული თითოეული ჩასართავი პირის მიერ, ბსუ-ს რექტორის 2026 წლის 06 აგვისტოს №01-02/149 ბრძანებით დამტკიცებული ფორმის (დანართი

№3) შესაბამისად (აღნიშნული ფორმის გრაფები მოიცავს მისათითებელ ინფორმაციას განმცხადებლის (შემდეგში - პროექტის მენეჯერი); პროექტის დასახელების; პროექტის ტიპის (დარგობრივი/ინტერდისციპლინური/ახალგაზრდა მეცნიერის); პროექტში ჩასართავი პირის სტატუსის (ძირითადი (მკვლევრები)/დამხმარე პერსონალი/სტუდენტები); პროექტში ჩართვაზე განმცხადებლის თანხმობის, ასევე პერსონალური მონაცემების დამუშავებაზე განმცხადებლის წერილობით განაცხადს);

4.4. პროექტის მონაწილე ბსუ-ს დასაქმებულთა (პერსონალის) CV-ები (პროექტში ჩასართავი პირების, გარდა სტუდენტებისა);

4.5. პროექტის მონაწილე თითოეული სტუდენტის ცნობა და სასწავლო ბარათი.

5. ბსუ-ს მიზნობრივი კვლევითი პროექტების შესარჩევი კონკურსის გამოცხადების შესახებ განცხადება, წინამდებარე ბრძანება, ბსუ-ს აკადემიური საბჭოს 2026 წლის 23 ივლისის №06-01/134 დადგენილებით დამტკიცებული „ბსუ-ს მიზნობრივი კვლევითი საგრანტო პროექტების შერჩევისა და განხორციელების დებულება“ და „ბსუ-ს მიზნობრივი კვლევითი გრანტის საპროექტო განაცხადის, აღწერილობის და პერსონალის თანხმობის განაცხადის ფორმების დამტკიცების შესახებ“ ბსუ-ს რექტორის 2026 წლის 06 აგვისტოს №01-02/149 ბრძანებით დამტკიცებული ფორმები (ბრძანების №1-3 დანართები) განთავსდეს ბსუ-ს ვებგვერდზე (ვებში „კონკურსები“).

6. სამეცნიერო კვლევების სამსახურმა უზრუნველყოს წინამდებარე ბრძანების შესაბამისად ბსუ-ს ვებგვერდზე განსათავსებელი კონკურსის გამოცხადების შესახებ განცხადების მომზადება და განცხადებაზე დასართავ სამართლებრივ აქტებთან და ფორმებთან ერთად ბსუ-ს საინფორმაციო ტექნოლოგიების სამსახურისათვის წარდგენა.

7. ბრძანება განთავსდეს ბსუ-ს ვებგვერდზე (იურიდიული ცნობარის ვებში „ბსუ-ს რექტორის აქტები“).

8. წინამდებარე ბრძანების შესახებ ეცნობოს ბსუ-ს აკადემიურ და სამეცნიერო პერსონალს ფაკულტეტების და ინსტიტუტების ადმინისტრაციების მიერ და ასევე გავრცელდეს ინფორმაცია ბსუ-ს პორტალის მეშვეობით (დაეგზავნოს მოკლე ტექსტური შეტყობინება (SMS)).

9. ბრძანება დაეგზავნოს ბსუ-ს მართვის ორგანოებს, რექტორის მოადგილეებს, ფაკულტეტებს, სამეცნიერო-კვლევით ერთეულებს და დამხმარე სტრუქტურულ ერთეულებს: ადამიანური რესურსების მართვის სამსახურს, საქმისწარმოების სამსახურს (კანცელარია), სამეცნიერო კვლევების სამსახურს, იურიდიულ დეპარტამენტს, საფინანსო-ეკონომიკურ დეპარტამენტს, საზოგადოებასთან ურთიერთობის სამსახურს და საინფორმაციო ტექნოლოგიების სამსახურს.

10. ბრძანება ძალაშია ხელმოწერისთანავე.

11. ბრძანება შეიძლება გასაჩივრდეს კანონმდებლობით დადგენილი ვადაში და წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. №30).

ბსუ-ს რექტორი



ტიტე აროშიძე